



Na osnovu člana 22 Statuta Brčko distrikta BiH („Službeni glasnik Brčko distrikta BiH“ broj 2/10 – prečišćeni tekst), Skupština Brčko distrikta BiH na 14. redovnoj sjednici održanoj 9. jula 2025. godine, usvaja

ZAKON
O IZMJENAMA I DOPUNAMA ZAKONA O POLICIJI
BRČKO DISTRIKTA BOSNE I HERCEGOVINE

Član 1

U Zakonu o Policiji Brčko distrikta Bosne i Hercegovine („Službeni glasnik Brčko distrikta Bosne i Hercegovine“, brojevi: 18/20 - prečišćeni tekst, 41/20, 6/21, 6/23 i 3/24) u članu 38 stavu 1 tačka h) se mijenja i glasi:

„h) u vrijeme podnošenja prijave na konkurs ne ispunjava uslove za prestanak radnog odnosa radi penzionisanja propisane zakonom;“.

Član 2

U članu 41 stav 1 mijenja se i glasi:

„(1) Konkurs se objavljuje u Službenom glasniku Brčko distrikta Bosne i Hercegovine, zvaničnoj internet stranici Skupštine i zvaničnoj internet stranici Policije.“

Član 3

U članu 41a stavu 1 tačka i) se mijenja i glasi:

„i) uvjerenje, potvrda ili drugi dokument od poslodavca da u vrijeme podnošenja prijave na konkurs ne ispunjava uslove za prestanak radnog odnosa radi penzionisanja;“.

Član 4

U članu 47 iza stava 6 dodaju se novi stavovi 7, 8, 9 i 10 koji glase:

„(7) Izuzetno od stava 6 ovog člana, šef Policije, zamjenik i pomoćnik mogu biti izabrani i imenovani po proceduri propisanoj u Dijelu šest - Odjeljak B ovog zakona, još jedan mandat samo ukoliko su kumulativno ispunjeni sljedeći uslovi:

- a) njihov rad u prethodnom mandatu ocijenjen je najvećom ocjenom najmanje tri puta;
- b) kandidati za šefa Policije, zamjenika i pomoćnika su od Nezavisnog odbora rangirani kao prvi u konkursnoj proceduri;
- c) prema procjeni Nezavisnog odbora postoje okolnosti, kao što su: pokrenute istrage, opća sigurnosna situacija, potreba za neometanim radom Policije koja osigurava javni red i mir u Distriktu i slično, koje opravdavaju imenovanje na dodatni mandat;
- d) na rang-listu uz obavezujuću preporuku Nezavisnog odbora je data saglasnost Skupštine u skladu s odredbama člana 46 ovog zakona.

(8) Uslov iz stava 7 tačke c) ovog člana ne primjenjuje se u slučaju prijedloga imenovanja na dodatni mandat lica koje obavljaju funkciju šefa Policije, zamjenika i pomoćnika u momentu stupanja na snagu ovog zakona.

(9) Izuzetno od odredaba člana 142 stava 1 tačke e) Zakona o policijskim službenicima Brčko Distrikta, ako šef Policije, zamjenik ili pomoćnik tokom trajanja mandata navrši 40 godina penzijskog staža, radni odnos mu prestaje istekom mandata.

(10) Radni odnos šefa Policije, zamjenika ili pomoćnika prestaje u momentu kada navrši 65 godina života ili nastupi neki od uslova za smjenu ovih lica propisanih u članu 50 stavu 1 tačkama b), c), d), e) i f) ovog zakona."

Član 5

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02-1416/25

Brčko, 9. 7. 2025. godine

PREDSJEDNIK
SKUPŠTINE BRČKO DISTRIKTA BiH
Damir Bulčević, dipl. oec.